

Kommuneqarfik Sermersuumi eqqakkanik katersisarnermut

MALITTARISASSAQ

SIULEQUT

Malittarisassap uuma Kommuneqarfik Sermersuumi kommunimut pilersaarusiortfinni illoqarfinnut nunaqarfinnullu killeqarfinni eqqakkanik katersisarnermut kommunip aaqqissuussaata atorneqarnissaanut aalajangersakkat aalajangissavai.

Atuuffia

Malittarisassaq Ivittuunut aamma Kangilinnguanut atuutinngilaq. Ivittuuni Kangilinnguanilu igitalerineq eqqakkanillu peersisarneq Kalaallit Nunaanni sakkutooqarfiup Grønlands Kommandop aamma Ivittuut Kommuniata akornanni protokollit/suleqatigiinnissamik isumaqatigiissuteqarnikkut iluarsineqarpoq.

Siunertaq

Katersisarnermut aaqqiinermi tipittut eqqiluisaarnissamullu ajornartorsiutit pinngitsoortinniarnissaat aammalu eqqakkat avatangiisimut naapertuuttumik peerneqartarnissaat siunertaavoq.

Erseqqissaaneq

Eqqakkani pineqarput iggavinniit illumilu atukkaniit eqqiluisaarnermut ajornartorsiortitsilersinnaasut igitat nalinginnaasut; tassa imaappoq nerisat sinnikui, illumi atukkanit poortuutit, sanikut, arsakut nillertut iggavimmiillu igitat, nangit pappialat, piniakkanik nammineq atugassanit igitassat assigisaallu. Eqqakkat taakku aamma suliffeqarfinnerisut, soorlu paaqqinnittarfinniit, kantiinaniit neriniartarfinniillu pineqarput.

Eqqakkanik katersisarneq

Eqqakkanik katersisarnermi aaqqissuussamut inoqutigiit tamarmik ilaanissaat malittarisassami aalajangersarneqarpoq. Aammattaaq ilaapput suliffeqarfiit, eqqakkanik taamaattunik igitassaattillit tamarmik, ilaatigut tassaallutik suliffeqarfiit, kantiinat neriniartarfiillu.

Aaqqiissummi eqqakkanik puuniittunik imaluunniit containerini angisuuniittuniit minnerpaamik sap. akunneranut ataasiarluni katersisarnissaq pineqarpoq. Aaqqiineq taanna illunut nammineq pigisanut amerlanerpaa-nut kommunimit isumagineqarpoq. Taamaattoq ilaatigut illunit attartukkanit suliffeqarfinniillu illumilu atukkanit eqqakkanik suliffeqarfiit allat katersisarnissaannik kommune akuersissuteqarsinnaavoq, kisianni sulit katersi-neq minnerpaamik sap. akunneranut ataasiarluni pisassaaq aammalu statiivit containerillu eqqiarluarneqar-nissaat isumagineqassalluni.

Akiliut

Illumik piginnittut attartortullu kommunip aaqqissuussineranut ilaasut eqqakkanut akiliummik ilai kvartalit ta-maasa akiligassanngortinneqartartumik akiliisassapput, allani eqqakkanut akiliut illumut akiliummut ilaatin-neqartarpoq.

1. Siunertaq

- 1.1 Kommuneqarfik Sermersuumi illunit atukkanit inuutissarsiortuniillu eqqakkat eqqakkallu eqqakkanut assingusinnaasut eqqiluisaarluinnarnikkut aammalu avatangiisimut illersuinermit paasinnilluartumik imminut nammassinnaasumik tunngavilimmik peerneqartarnissaasa qulakkeernissaat malittarisassap siunertarai.

Malittarisassami kommunimi innuttaasut, illunik piginnittut suliffeqarfiillu pisussaaffii pisinnaasaallu aalajangersarneqarput.

2. Inatsisitigut tunngavik

- 2.1 Malittarisassaq una makku naapertorlugit sananeqarpoq:

- Eqqakkat peerneqarnissaat pillugu Namminersorerullutik Oqartussat nalunaarutaat nr. 28, 17. september 1993-imeersoq
- Avatangiisit illersorneqarnissaat kingusinnerusukkut allannguuteqartoq pillugu Inatsisartut peqqussutaat nr. 12, 22. december 1988-imeersoq

3. Atuuffissaa

- 3.1 Malittarisassaq una Kommuneqarfik Sermersuumi kommunip pilersaarusiorfigisaani illoqarfiup nunaqarfiullu killeqarfiisa iluini atuuppoq.

- 3.2 Malittarisassaq najugaqarfinnut piffinnullu naligititanut tamanut; tassa imaappoq illut nalinginnaasut, suliffeqarfiit, paaqqinnittarfiit umiarsualiviit il.il. eqqagaatilinnut imaluunniit eqqakkanut assingusunik eqqagaatilinnut atuuppoq.

- 3.3 Malittarisassami eqqakkat eqqakkalluunniit eqqakkanut assingusut katersortarnissaat pineqarput.

Eqqakkani eqqarsaatigineqarput (illumit igitat) nalinginnaasumik eqqakkat illuni atukkaneersut, piniakkanit nammineq atugassanit igitat ilanngullugit. Eqqakkat soorlu ass. makkuusinnaapput, nerisat sinneri, illumi atugassanit pisiat poortuutaat, sanikut, arsakut nillertut iggavimmiillu igitat aammalu nangit pappialat.

Taamatuttaaq eqqakkanut assingusinnaasuni pineqarput suliffeqarfinniit eqqakkat, tassunga ilanngullugit paaqqinnittarfiit, kantiinat neriniartarfiit il.il.

Tulliuttuni eqqakkat eqqakkanullu assingusut "eqqakkatut" taagorneqarput.

- 3.4 Atortussiaq pequlluunniit eqqakkanut ilaanersoq nalornineqarpat tamanna kommunalbestyrelsip aalajangertassavaa.

4. Igitassaatillip pisussaaffii

Atuinissamut pisussaaffik

- 4.1 Illuutillit, attartortut, innuttaasut, suliffeqarfiit, umiarsualiviit, paaqqinnittarfiit il.il. - tamarmik ataatsimut igitassaati-linnik taaneqartut - ulluunerani eqqakkanik malittarisassami uani allaaserineqartuut katersisarnermik kommunalbestyrelsimit aqqqissuunneqartumik atuinissaminnut pisussaapput.

- 4.2 Kommunalbestyrelsip eqqaavilerisut namminersortut piffinni erseqqissumik tikkuarneqarsimasuni imaluunniit ineqarfiusuni arlalinni erseqqissumik tikkuarneqarsimasuni (soorlu ass. inuutissarsiortut illuutaanni) ulluunerani eqqakkanik katersinissamik isumaginnittussatut akuerisinnaavai, katersisarneq malittarisasami uani toqquinermit, aallernermit peerneqarnerinullu ataani allassimasut ilanngullugit aalajangersakkat malillugit pisarpat:

- katersineq minnerpaamik sap. akunneranut ataasiarluni pisassasoq;
- eqqakkat kommunip innersuussutaanut tunniunneqartassasut;
- eqqaavilerisoq katersinermi paasissutissanik soqutiginaatilinnik tamanik kommunip qinnuiginninneratigut tunniussisassasoq, tassunga ilanngullugit katersinermi pineqartumi illut attuumassutillit pillugit paasissutissat.

Katersinermi atortut

Eqqakkanik katersisarnermut malittarisassaq

- 4.3 Ilanngussaq 1-imi - Eqqakkanik katersinermi atortunut piumasaqaatit - katersinermi atortunut erseqqissakkamik piumasaqaatit aalajangersarneqarput.
- 4.4 Illumik piginnittut / igitassaatik katersinermut atortunik imaartarnissaasa amerlassusaannut pisariaqartunut nalunaarutigineqarsimasunik naammattunik peqartuarnissamik qulakkeerinissamut aammalu aallernerit marluk akornanni puut/containerit ulikkaartoorsimannginnissaannut pisisaapput.
- Suliffeqarfiit paaqqinnittarfiillu kantiinallit eqqakkat tamarmik perneqarnissaannut pisariaqartinneqartunik amerlassusilinnik imaarsisarnermut ilanngussimassapput.
- Ineqarfiusunut ineqarfimmut ataatsimut minnerpaamik puunut statiivimik ataatsimut naapertuutumik aammalu pisiniarfinnut assigisaannullu puunut statiivit amerlanerit nalinginnaasumik pigineqassapput.
- 4.5 Eqqakkanik katersinermi taamaallaat puut kommunimit tunniunneqarsimasut akuersissutigineqarsimasulluunniit atorineqarsinnaapput.
- 4.6 Statiivit eqqakkanulluunniit containerit amerlassusissaat aammalu statiivit isumannaatsuunerat eqqarsaatigalugit nalornisoqassagaluarpas Kommuneqarfik Sermersuumit aalajangertassavaa.
- Puunut statiivimik containerinillu inissiineq atuinerlu**
- 4.7 Puunut statiivit containerinillu malittarisassat ilanngussaq 2-mi malittarisassat malillugit inissinneqarsimassapput.
- 4.8 Igitassaatik eqqakkanut puunut statiivit containerinillu ajoquteqannginnissaat eqqiluutsinnissaasalu isumaginissaannik pisisaavoq. Containerit pisariaqartitsineq malillugu salinneqartassapput, taamaalilluni taakku eqqaanni tipeqalinnginniassammat.
- 4.9 Puunut statiivimik containerinillu inissiivimik pitsaasuunissaat eqqiluutsinnissaallu isumagineqassaaq. Eqqakkanut statiivimik aqut taakkulu eqqaat aputaajarneqartarlunilu siorarterneqartassaaq. Taamatuttaaq puunut statiivit akornuteqanngitsumik ammarsinnaanissaat imaarneqarsinnaanissaallu qulakkeerneqassaaq.
- 4.10 Eqqakkanik uninngatitsinermut eqqaavinnut puut atorineqarnerini pissutsit makku isiginiarneqassapput:
- Igitat masattut aammalu paaq arsakullu imermik pitarneqarsinnaanngitsunut poortorneqassapput.
 - Inngigissut ipittulluunniit ima poortorluarsimatigissapput, aaneqarnerminni assartorneqarnerminnilu eqqaavilerisumut puunulluunniit ajoqusiinnaassanatik.
- 4.11 Eqqakkanut puunut containerinulluunniit makku ilineqassanngillat:
- eqqakkat avatangiisimut ulorianartut
 - eqqakkat ikuallanneqarsinnaanngitsut, tassunga ilanngullugit nuna, ujaqqat, ujaraqqat, savimerngit saffiugassallu annertunerusut
 - illumi uumasuutiniit eqqakkat
 - illup allanngortiterneraniit eqqakkat
 - aamat, arsakut kissartut, kussiukkanit minguit imaluunniit igitat imerpalasut suugaluartulluunniit
 - elektronikkit

- 4.12 Eqqakkanut puut puumi killiffssaq naqinneqarsimasoq taamaallaat tikillugu immerneqassapput. Puut killiffissalerneqangippata puut matusinnaajunnaarlugit ulikkaarneqassanngillat
- 4.13 Aammattaaq eqqakkanik uningatitsineq mingutsitsinissamut, ineqarfiusumi ineqarfinniluunniit allani eqqiluisaannginnissamut taamaallilluni uumasunik ajoqutaasinnaasunik uninngaarfingortitsisumik aallarniutaassanngilaq.

5. Eqqakkanik aallerneq

- 5.1 Eqqakkanik aallernermut piumasaqaatit ilanngussaq 3-mi allassimapput.

6. Akiliut

- 6.1 Aaqqiinernut aalajangersakkanut atatillugu aningaasartuutit matuneqarnissaannut akiliummik illumik piginnittut igitassaatilillu akiliinissaminnut pisussaapput. Sumiiffinnut Nuummumut, Qeqertarsuatsiaanut, Kapisilinnut, Paamiunut, Arsummut, Tasiilamut, Sermiligaamut, Isortumut, Kulusumut, Tiniteqilaamut Kuummiunullu malittarisassat Ilanngussaq 4-miipput.
- 6.2 Eqqakkanik katersisarnermut akiliutip annertussusissaa ukiumut ataasiarluni Kommunalbestyrelsimit aalajangerneqartassaaq. Kommueqarfik Sermersuumit akiliutip annertussusaa sumiiffinni aviisitigut nalunaarutigissavaa. Akit allassimaffiat Kommuneqarfik Sermersuumi Sanarfinermut Avatangiisinullu ingerlatsivimmuut saaffiginnikkut imaluunniit kommunip nittartagaatigut piniarneqarsinnaasumi akit annertussusaat allassimassapput.

Illumik piginnittoq / igitassaatik allamut nuunnermini eqqaaveqarneq taamaatitissavaa najugaqarfimmullu il.il. nutaamut nuunnermini eqqaaveqarnermut ilannguteqqissalluni. Paamiuni, Arsummi, Tasiilami, Sermiligaami, Isortumi, Kulusumi, Tiniteqilaami Kuummiunilu nuunnermut nuunnermillu nalunaaruteqartarnerit pillugit immikkut malittarisassaqarpoq Ilanngussaq 5-imi allassimasunik.

Allamut nuunnermut atatillugu Sanarfinermut Avatangiisinullu Ingerlatsivik taamaatitsinermik tigusaqanngippat illumik piginnittuusimasoq /igitassaateqarsimasoq eqqaavilerinermut akiliummik illumik piginnittup / igitassaatilip allap nalunaarnissaata tungaanut piffissaq pineqartoq imaluunniit Ingerlatsiviup eqqakkanut aaqqiissut taamaatitinnngippagu, akiliinissaminut pisussaavoq.

- 6.4 Akiliinissamut piffissaliussat Ilanngussaq 4-mi allassimapput

7. Nakkutilliineq

- 7.1 Inatsit malittarisassamilu uani aalajangersakkat malillugit Kommuneqarfik Sermersooq eqqakkanik uninngatitsinernik, katersinernik, tunniussinernik suliarineqarnerinillu nakkutilliisuussaaq.
- 7.2 Igitassaatik kinaluunniit Kommueqarfik Sermersuup nakkutilliisui kinaanerminnik uppersaareernerisigut ineqarfimmuut isernissaannut akuersinissaminnut pisussaavoq.
- 7.3 Malittarisassami uani aalajangersakkat akerlianik arlaannik paasinnittoqassappat, Kommuneqarfik Sermersuup piffissaliussap iluani pissutsit malittarisassanut naapertuutitilerlugit iluarsineqarnissaannut peqqussuteqarsinnaavoq.
- 7.4 Pissutsit piffissaliussap iluani iluarsineqanngippata, Kommuneqarfik Sermersuup akisussaaffilimmuut akiligassanngorlugit iliuusissat suliaritissinnaavai.

8. Naammagittaalliorneq

- 8.1 Inatsisartut peqqussutaanni nr. 12, 22. december 1988-imeersumi kingornatigut allannguuteqartumi kapitali 10-mi malittarisassat naapertorlugit, malittarisassami aalajangersakkat malillugit aalajangi-ussat aammalu taakku naapertorlugit aalajangiunneqarsimasut naammagittaalliutiginerarsinnaapput.
- 8.2 Kommunalbestyrelsip aalajangiussaani naammagittaalliutaasinnaasut Kalaallit Nunaanni Namminersornerullutik Oqartussanut, Avatangiisinut Pinngortitamullu Pisortaqarfik, Postboks 1614, 3900 Nuuk, ingerlatinneqarsinnaapput. Tamatuma kingorna Pisortaqarfiup naammagittaalliut avatangiisit illersorneqarnissaannut Inatsisartut naammagittaalliornermut ataatsimiititaliaanut ingerlateqqissavaa.

8.3 Ullormiit alajangererup nalunaarutigineqarneraniit naammagittaalliorneq sap. akunneri arfinillit qaangiutsinnagit pissaaq. Naammagittaalliut naammagittaalliornermut ataatsimiititap aalajanger-nissaata tungaanut imaluunniit naammagittaalliornermut ataatsimiititap allamik aalajangiussaqar-nissaata tungaanut kinguartitsinermik sunniuteqassaaq.

9. Unioqqutitsineq

9.1 Malittarisassami uani malittarisassanik unioqqutitsineq imaluunniit malittarisassaq una naapertor-lugu Kommuneqarfik Sermersuumiit peqqussutaasut naalassimanngikkaanni, tamanna Eqqakkat peerneqarnissaat pillugu Namminersornerullutik Oqartussat nalunaarutaanni nr. 28, 17. september 1993-imeer-sumi § 25 malillugu akiliisitsinermik pillaatissiisoqarsinnaavoq.

10. Piginnaassuseqartitsineq

10.1 Kommuneqarfik Sermersuumi kommunalbestyrelsip malittarisassamik uannga akuersissuteqar-nermigut Sanarfinermut Avatangiisinullu Ataatsimiititalaq malittarisassami uani imm. 4-mi 5-imilu annertuallaanngitsunik allannguuteqartitsinnaaneramik, tassunga ilanngullugit malittarisassamut ilanngussanik allannguuteqartitsineq, piginnaatippaa.

10.2 Aammattaaq Kommuneqarfik Sermersuumi kommunalbestyrelsip Sanarfinermut Avatangiisinullu Ingerlatsivik malittarisassaq una malillugu aalajangiisarnissaanik piginnaassuseqartippaa.

11. Atuutilerana

11.1 Malittarisassap uuma atuutilerananut peqatigitillugu Nuup Kommuneani eqqakkat pillugit Malittari-sassaq 22. april 2002-imeersoq taamaatitinneqarpoq.

11.2 Malittarisassaq ulloq 1. januar 2009 aallarnerfigalugu atuutilersinneqarpoq.

11.3 Taamaalilluni Kommuneqarfik Sermersuumi kommunalbestyrelsimit akuerineqarpoq ulloq 17. mar-si 2009.


Asii Chemnitz Narup
Borgmester


Niels Kreutzmann
Administrerende Direktor

ILANNGUSSAQ 1

Eqqakkanik katersinermi atortunut piumasaqaatit

A. Nuummi, Qeqertarsuatsiaani Kapisilinnilu illuni eqqaavinnut stativit

Illumik piginnittut, innuttaasut, suliffeqarfiit, umiarsualiviit suliffeqarfiillu pisussaapput namminnek akilikka-minnik aserfallatsaalisaminnillu eqqaavinnut stativeqarnissaat imaluunniit containereqarnissaat.

Qanoq ittueneri

Igitanut statiivit qajannaatsut pingaartumik anorimut silamullu akiuussinnaasut atorneqassapput. Igitassanut statiivit minnerpaamik sisammik qalikkamik (galvaniseerigaaq) aammalu qisummik aanaveersakkamik soorlu ass. Miristál-itut sanaajussaaq.

Ingerlaneq

Igitanut statiivi imatut suliarineqassaaq puumik nutaamik ikkussineq puumillu ulikkaartumik aallerneq ajornanngitsumik akornuteqanngitsumillu pisinnaassalluni.

Igitanut statiivi nivinngaavimmik puumik pitsaanerpaamik najummisussamik pilerneqarsimassaaq.

Aammattaaq statiivi imatut suliarineqassaaq uumasut ajoqusiisinnaasut tulukkat, qimmit qitsuillu puumut imaanillu attuisinnaajunnaarsillugit.

Statiivi marloqiusanngorlugu qallersimasutut sananeqassaaq, taanna sinaanut qajannaatsumik ikkusimasalluni taamaalilluni puup taarserneqalernerani ajornanngitsumik isumagineqarsinnaassammat.

Matua taamatutaaq ajornanngitsumik isumaginissaa suliarineqarsimassalluni, tassa sakkortuumik anorlertillugu assigisaanilluunniit pisoqartillugu matuata ammaqattaannginnissaa qulakkeerneqassammat.

Statiivi ikkussissutissanik qajannaatsunik pilerneqarsimassaaq, taamaalilluni statiivi illup iigaanut qajannaatsumik nivinngarneqarsinnaaniassammat. Illut iigaannut assigiinngitsunut nivinngaanissamut ilitsersuutit statiivip pisiarinerani ilanngunneqassapput.

Illumik piginnittup pisussaaffii

Illumik piginnittoq igitanut statiivimut piumasaqaatinik eqquutititsinissaminut pisussaavoq

Taamatutaaq nioqqutillip ilitsersuussineri malillugit illumik piginnittoq statiivip nivinngarnissaanut pisussaa-voq.

Tamatuma saniatigut statiivip illup iigaanut naapertuuttumik qalipannissaanut pisussaa-voq.

B. Paamiuni Arsummilu eqqaavinnut statiivit

Illumik piginnittut, innuttaasut, suliffeqarfiit, umiarsualiviit suliffeqarfiillu pisussaapput namminnek akilikka-minnik aserfallatsaalisaminnillu eqqaavinnut stativeqarnissaat imaluunniit containereqarnissaat.

Containerit

Illumik piginnittut/igitassaatililit immikkut ittumik akuerineqarlutik igitanut puunut statiivini atuerusunngitsut Sanarfinermut Avatangiisinullu ingerlatsivimmu qinnuteqarsinnaapput containerinik ussissunik matunlinnik atuinissamik. Containerit akuerisaassapput illumillu piginnittumit/igitassaatilimmit nammineq pisiarineqarlutillu aserfallatsaalineqassapput.

Eqqakkanut aqqissuussinermi aqutsineq ingerlatsinerlu Kommunimit isumagineqassaaq.

Illumik piginnittut/igitassaatililit, igitanut containerinik atuisut, pisussaapput nammineq igitamik Kommunip innersuussiffianut suliarineqarfissaannut imaluunniit tiguneqarfissaannut tunniussinissartik.

Containerit eqqaavittut atorneqartut minnerpaamik sapaatip akunneranut ataasiarlutik imaarneqartassaapput, containeri qanorluunniit imaqartigaluarpat, akillu allattorsimaffianni atuuttumi akiliutissatut allassimasoq akilerlugu.

Immikkut ittumik akuersissut qaammatip aallaqqaataaniit atuuttusanngorlugu qaammammik ataatsimik si-oqqutsisumik Sanarfinermut Avatangiisinullu ingerlatsivimmit atorunnaarsinneqarsinnaavoq.

Puussianut statiivit

Puussianut statiivit assersimassapput ussissumillu matoqartinneqarlutik.

Puussianut statiivit imaluunniit containerit Kommuneqarfik Sermersuumi Sanarfinermut Avatangiisinullu ingerlatsivimmit akuerisaassapput. Akuerisanut assersuutit: puunut statiivit nettitalit Carl F-p katalogiani 09.6872.99. Avatangiisimi statiivit SANA B aamma SANA B 83.

C. Tasiilami, Sermiligaami, Isortumi, Kulusumi, Tiniteqilaami aamma Kuummiuni igitanut statiivit

Illumik piginnittut, innuttaasut, suliffeqarfiit, umiarsualiviit suliffeqarfiillu pisussaapput namminneq akilikka-minnik aserfallatsaalisaminnillu eqqaavinnut poorsuarnut stativeqarnissaat imaluunniit containereqarnissaat. Puunut statiivi akuerisaq tassaavoq igitanut spandeq zinki, puussianut statiivi ungerutissiaasinnaavoq imaluunniit qisuk naqitaq, taakku tamarmik ussissumik matoqartinneqassapput anorimillu tingittussaajunnaarlugit qularnaarneqassapput.

Illumik piginnittut/igitassaatililit immikkut ittumik akuerineqarlutik igitanut puunut statiivini atuerusunngitsut Sanarfinermut Avatangiisinullu ingerlatsivimmit qinnuteqarsinnaapput containerinik ussissunik matunlinnik atuinissamik. Containerit akuerisaassapput illumillu piginnittumit/igitassaatilimmit nammeneq pisiarineqarlutillu aserfallatsaalineqassapput.

Puussianut statiivit containerilluunniit Kommunimi Sanarfinermut Avatangiisinullu ingerlatsivimmit akuerisat kisimik atorneqarsinnaapput. Statiivit ungerutissiaasinnaavoq imaluunniit qisuk naqitaq, taakku tamarmik ussissumik matoqartinneqassapput.

Kommuneqarfik Sermersuumi Sanarfinermut Avatangiisinullu ingerlatsiviup aalajangissavaa statiivit illersorneqarsinnaasumik isikkoqarneri.

D. Ittoqqortoormiini igitanut statiivit

Puut igitanik aallernermit atatillugit kommunimit tunniunneqartassapput.

ILANNGUSSAQ 2

Eqqakkanik katersinermut atortut inissinnerat

A. Eqqakkanik katersinermut atortut Nuummi, Qeqertarsuatsiaani Kapisilinnilu inissinnerat

Puunut statiivit

Puunut statiivip inissisimaffiata ulluunerani eqqakkanut biilip katersisartup uniffigisinnaasaanit qaninnerpaamit 50 m-it qaangersimassanngilai.

Illu aqqusinermi tamanit atorpeqartumit avinngarusimanerussagaluarpat 3 m-imik silissusilimmik 3,8 m-imillu qutsissusilimmik akornuteqanngilluinnartitsineqassaaq aammalu biilip ulluunerani eqqaavilerissutit kaajallasinnaanissaannut inissaqarluassaaq. Taamaattoqarsinnaanngippat illumik piginnittup / igitassaatillip pooq ulikkaarsimasooq nammineq aqqusinermut qaninnerpaamut tamanit atorpeqartumut inississavaa.

Puunut statiivit eqqaavilerisumit tikikkuminartumi akornuteqanngitsumi aammalu illup eqqannguanut inissisimassapput. Aqqusinermi ingerlaffiusumiit puunut statiivip tungaanut aqut tamarmi minnerpaamik 2,4 m-imik portussusilimmik soqassanngilaq, aammalu puumik ulikkaarsimasumik ingerlatsivissaaq inioqqatinik assigisaanilluunniit asserneqarsimassanngilaq.

Puunut statiivit igalaat ateralannguanut inissinneqaaqqusaanngillat, aammalu puunut statiivit containerillu sapinngisamik alannortamut inissinneqassallutik.

Puunut statiivit puup naqqanut silaannaqartillugu inissinneqassapput.

Containerit

Eqqakkanut containerit biilinit eqqaavilerisunit imaarnissaannut akornutissaqanngitsumi inissinneqarsimassapput, aammalu piffimmi angallanermut sapinngisamik akornutaannginnerpaami inissinneqassallutik - ajornanngippat piffinniit tamanit atorpeqartuniit illunut assigisaannullu atasuniit ungalusamik asserlugit.

Ineqarfimmut pineqartumut massakut pisariaqartitsinermut naleqqussarluakkamik containeri angissuseqassaaq.

Tamatigut illumut inigisamut ataatsimut containerimut 0,1 m³-isut angitigisumut naapertuuttumik inissaqartitsineqartassaaq.

Containerit 10 m³-imit annerit atorpeqarsinnaanngillat.

B. Paamiuni Arsummilu eqqakkanik katersinermut atortunik inissiineq

Puunut statiivit eqqaavilerisumut tikikkuminartumiitinneqassapput ajornanngitsumik tikinneqarsinnaasumi, illup qanittuanut inissinneqassapput.

Puunut statiivit inissinneqarsimassanngillat puut ulikkaaqqasut inioqqatinit assigisaanilluunniit akornuteqartillugit, portussusia 2,5 meteriunngippat. Puunut statiivit igalaat ataannut inissinneqassanngillat.

Puunut statiivit soorlu illumut, assiqummut, tooqavimmut assigisaanulluunniit aalajangerneqarsimassapput. Matua, netsi ataalu qajannaatsuussapput puui qimminit tikinneqarsinnaajunaarlugit. Aamma matuata anorlersumi nipiliortussaajunaarlugulu tinginneqarsinnaajunnaarsinneqassaaq.

Illumik piginnittoq/igitassaatilik pisussaavoq puunut inissisimaffiup eqqiluitsinnissaanik, aputaajaanissamik aammalu eqqaaviup statiivianut siorarterisarnissamik aamma tamassuma eqqaa ilanngullugu, statiivit ajornaquteqanngitsumik ammarneqarlunilu imaarneqarnissaa pillugu.

C. Tasiilami, Sermiligaami, Isortumi, Kulusumi, Tiniteqilaami Kuummiunilu eqqakkanik katersinermut atortunik inissiineq

Puunut statiivit (imaluunniit katersanut atortut assingi) eqqaavilerisumut tikikkuminartumiitinneqassapput ajornanngitsumik tikinneqarsinnaasumi, illup qanittuanut inissinneqassapput.

Eqqakkanik katersisarnermut malittarisassaq

Puunut statiivit inissineqarsimassanngillat puut ulikkaaqqasut inioqqatinit assigisaannilluunniit akornuteqar-tillugit, portussusia 2,4 meteriunngippat.

Puunut statiivit (imaluunniit katersanut atortut assingi) igalaat ataannut inissineqassanngillat.

Puunut statiivit (imaluunniit katersanut atortut assingi) inissineqarsimassapput puup naqqata tungaanut ammasumik.

Illumik piginnittoq/igitassaatilik pisussaavoq puunut inissisimaffiup eqqiluitsinnissaanik, aputaajaanissamik aammalu eqqaaviup statiivianut siorarterisarnissamik aamma tamassuma eqqaa ilanngullugu, statiivit ajor-naquteqanngitsumik ammarneqarlunilu imaarneqarnissaa pillugu.

ILANNGUSSAQ 3 **Eqqakkanik aallerneq**

A. Nuummi, Qeqertarsuatsiaani Kapisilinnilu eqqakkanik aallertarneq

Eqqakkanik aallerneq piffissami nal. 07.00-ip aamma nal. 18.00-ip akornanni pisarpoq, piffissallu taakku iluini imaagassat assersimassanngillat.

Eqqakkat puuniittut

Eqqakkat puunut 110 literinut katersorneqartartut sapaatip akunneranut ataasiarluni aaneqartarput, sapinnigisamik sapaatip akunnerata ulluani aalajangersimasumi. Nalliuttunili aallernermut piffissaq allanngortinnerqarsinnaavoq.

Illumik piginnittoq periarfissaqarpoq sapaatip akunneranut marloriarluni eqqakkanik aallertitsinissamut inniminniissaminut. Sapaatip akunneranut marloriarluni eqqakkanik aallertoqarnissaanik inniminniinermi eqqakkat ullunik 2-3-nik akunnilerlugit aaneqartarput.

Aallernerit tamaasa eqqaavilerisoq puumik nutaamik ikkussisarpoq. Eqqakkanut puup 1/3-ia ulikkaarsimattinnagu taanna peerneqarneq ajorpoq eqqaavilerisorlu nutaamik tunniussineq ajorpoq. Qulaani taaneqartoq aningaasanik utertitsinermik kinguneqarneq ajorpoq.

Eqqakkanut containerit

Eqqakkanut containerit imermit pitarneqarsinnaanngitsut sapaatip akunnerani ullormi aalajangersimasumi imaaneqartarput. Tipiliortoqalerpat imaluunniit pissutsit peqqinnissamut ajoqutaasinnaasunik pilerpata imaaneqarnissaanik inniminniisoqassaaq imaluunniit containeri ulikkaarsimappat.

B. Paamiuni Arsummilu eqqakkanik aallertarneq

Illumi pisiniarfinnut tamanut statiiveqartussaavoq illumilu inoqutigii minnerpaamik tamarmik ataatsimik statiiveqartinneqassapput. Illuni quleriilinni immikkut ittumik akuersissuteqartoqarsinnaavoq. Statiivit amerlassussisaat pillugit nalornisoqassappat tamanna Sanarfinermut Avatangiisinullu ataatsimiititamit aalajangiiffiqingeqassaaq.

Illumik piginnittup/igitassaatillip pisussaaffigivaa puunut statiivinik naammattunik peqarnissaq, puut aallernerit marluk akunneranni ulikkaartooqqunagit. Suliffeqarfiit, paaqqinnittarfiit allallu kantiinallit igitassaatiinnut naammattunik puunut statiiveqartussaapput.

Puut annerpaamik 25 kg angullugit oqimaatsigilersillugit immerneqarsinnaapput katataqaranilu assartorneqarsinnaassallutik. Illu tamanut aqqusinermit ungasartumiissimappat pinngitsoorani 3 meterisut silitsigisumik aamma 3.8 meterinik portussuseqartumik ingerlaffissaqartariaqarpoq, kiisalu biilit eqqaavilerissutit kaajallatsissinnaasariaqarput.

Nalinginnaasumik puut sapaatip akunneranut marloriarlugit peerneqarnissaat nalunaarutigineqartussaavoq, kisianni aallarnissap qanoq akuttutiginissaa aamma Sanarfinermut Avatangiisinullu ingerlatsivimmit aalajangersarneqarlunilu akuerineqartussaavoq. Puut sapinnigisamik sapaatip akunnerata ulluani aalajangersimasumi pisassaaq. Allernerit tamaasa eqqaavilerisoq puumik nutaamik ikkussisartussaavoq. Eqqakkat immikkut illuinnartumik pisoqartillugu taamaallaat sapaatini/nalliuttuni aaneqarsinnaapput aamma taamaallaat Sanarfinermut Avatangiisinullu ingerlatsivik isumaqatigiissuteqarfigeqqaarlugu.

Illumik pigittoq/igitassaatilik pisussaavoq aallertarfiup igitakoqannginnissaanik.

Arsummi igalaamerngit savimerngillu tamarmik eqqaavimmut igitinnagit immikkoortinneqartassapput. Igalamerngit savimerngillu taakkununga containeriliussanut igitinneqassapput.

C. Tasiilami, Sermiligaami, Isortumi, Kulusumi, Tiniteqilaami Kuummiunilu eqqakkanik aallertarneq

Nalinginnaasumik illuni tamaniittussat: Minnerpaamik puunut statiiveq (imaluunniit assinganik igitanut kater-suivik) ataaseq kiisalu pisiniarfinnut mikinerusunut assigisaannullu puunut statiiveq aapperneqassaaq (ima-

luunniit assinganik igitanut katersuivik), amerlassusilerneqarnerat Kommunalbestyrelsimit aalajangersarneqassaaq.

Inoqutigiiit/igitassaattillit pisussaapput puunut statiivit naammattut piginissaat imaarneqartarnissaannillu nalunaaruteqarsimanissaq (imaluunniit assinganik katersuinerneqarnerat atortoqarnissaq) imaarsiartornerit marluk akornanni ulikkaartoortoqannginniassammat.

Suliffeqarfiit paaqqinnittarfiillu kantiinartallit igitanik naammattumik imaarsiartortoqartarnissaanik nalunaartussaapput.

Puut illersorneqarsinnaasumik matusinnaangorlugit immerneqartassapput.

Puut sapaatip akunneranut marloriarlugit peerneqartartussanngorlugit nalunaarutigineqassapput. Puut sapaatip akunneri tamaasa aaneqartassapput, sapinngisamik sapaatip akunnerata ulluani aalajangersimasumi ullunik 2-3-nik akunnilimmik. Puut kommunimit isumagineqassapput.

Statiivit imaluunniit containerit amerlassusissai nalornissutigineqassapput tamanna Sanarfinermut Avatangii-sinullu ataatsimiititamit aalajangiiffigineqartassaaq.

D. Ittoqqortoormiini igitanik aallartarneq

Igitat illunit namminerisaniittut ataasinngornikkut, pingasunngornikkut tallimanngornikkullu aaneqartarput. Marlunngornikkut sisamanngornikkullu igitat suliffeqarfinniittut katersorneqartarput.

ILANNGUSSAQ 4 **Akiliisarfissat akillu**

A. Nuummi, Qeqertarsuatsiaani Kapisilinnilu akiliisarfissat akillu

Kvartalikkuaartumik akiliisoqartassaaq.

Akit allannguuteqarnerini, ilanngunermik nalunaartut nutaat aamma unitsitsisut ilanngullugit, akiliutip iluar-sineqarnerata annertussusia piffissami akiliiffissap tullianiit naatsorsorneqassaaq, ulloq aaqqissuussinermut atuisup ilanngunermik nalunaaruteqarfia imaluunniit unitsitsiffia aallarnerfigalugu.

B. Paamiuni Arsummilu akiliisarfissat akillu

Akiliisarfissaq

Nalinginnaasumik qaammatikkuaartumik akiliisitsisoqartarpoq.

Ilanngunermik nalunaartut nutaat unitsitsisullumi piffissami akiliiffissami nalunaaruteqartut minnerpaamik qaammatip aallartinneranut imaluunniit qaammatip 15.-ianut ullunik 14-inik siumut nalunaarutigineqartassapput. Qaammatip 15.-iani ilanngunermik nalunaaruteqartut unitsitsisullu taamaalillutik ilai piffissaq akiliuteqarfisassaat ullunik 14-inik sivikillineqarsinnaavoq.

Akiliutit

Eqqakkanut akiliutit atuisumit eqqaavilerinermut aaqqissuussinermut nalunaaruteqartuusumit akilerneqartassapput. Eqqaavilerinermut akiliutaasoq tassaavoq eqqakkanut puumik ulikkaarsimasumik aallarnermut ataatsimut akiliut.

C. Tasiilami, Sermiligaami, Isortumi, Kulusumi, Tiniteqilaami Kuummiunilu akiliisarfissat akillu

Eqqakkanut akiliutit atuisumit eqqaavilerinermut aaqqissuussinermut nalunaaruteqartuusumit akilerneqartassapput.

Kvartalikkuaartumik akiliisoqartassaaq.

Kvartalip iluani allannguisoqartillugu allannguneq aningaasat eqqarsaatigalugit kvartalip tulliaata aallartinneraniit atuutilersinneqartarpoq.

D. Ittoqqortoormiini akiliisarfissat akillu

Eqqakkanut akiliutit atuisumit eqqaavilerinermut aaqqissuussinermut nalunaaruteqartuusumit akilerneqartassapput.

Kvartalikkuaartumik akiliisoqartassaaq.

ILANNGUSSAQ 5

Nuunneq nalunaaruteqarnerlu

A. Paamiuni Arsummilu nuunnermut nalunaaruteqarnermullu malittarisassat

Eqqaavilerineq nuukkallarnermi unitsinneqarsinnaanngilaq, suliffinngeqarnermi assigisaannilu, piffissaq spaatip akunnerinik 12-inik inorlugilluunniit sivilissuseqassappat. Unitsitsigallarnermik nalunaaruteqarnermi, spaatip akunneri 12-it sinnerlugit, piffissaq akiliiffissaq naatsorsorneqartarpoq Ilanngussaq 4B-mi allassimasut malillugit.